

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-00350-2018
Broj akta: 01EN-001
Gračanica, 1.2.2018.godine

ZAPISNIK
SA 14. SJEDNICE OPĆINSKOG VIJEĆA GRAČANICA

Održane dana 27. 12. 2017. godine u sali za sjednice nove zgrade Općine Gračanica sa početkom u 11,00 sati.

Početu sjednice je prisustvovalo 27 članova Općinskog vijeća.

Odsutni su bili: Pjanić Safet, Dizdarević Kemal i Puškar Hasan.

Sjednicu je vodio Nihad Krajinović, Predsjedavajući Općinskog vijeća, zajedno sa zamjenikom Devedžić Almedinom i sekretarom Dženanom Tukulj uz prethodno upućivanje čestitke Općinskom načelniku Nusretu Heliću povodom dobijanja priznanja.

Zapisnik vodila Mevlida Naimkadić, a vršilo se i tonsko snimanje sjednice.

Pored članova Vijeća sjednici su prisustvovali i Općinski načelnik, Općinski pravobranilac, šefovi službi za upravu, izvjestioci po pojedinim tačkama dnevnog reda, predsjednica OIK-a, predstavnik Etičke komisije, te predstavnici sredstava informisanja.

Zapisnik sa 13. Sjednice Općinskog vijeća Gračanica usvojen je jednoglasno.

Predsjedavajući Vijeća je elaborirao prispjele odgovore na vijećnička pitanja i inicijative.

Nova pitanja i inicijative kandidovali su:

Mirela Trepanić:

“Komisija za obrazovanje, kulturu, sport, mlade i odnose sa vjerskim zajednicama upućuje inicijativu, a možda može i kao pitanje:

Na osnovu programa rada Komisije, u planu aktivnosti koje se odnose na obrazovanje Komisija je u ponedjeljak 25. 12. posjetila područne škole u Rašljevi i Donjoj Lohinji kako bi smo utvrdili uvjete rada s obzrom da smo imali saznanje da je život i rad tih škola uglavnom ispod zadovoljavajućeg nivoa. Posebno je to slučaj u Rašljevi gdje nema ni osnovnih uvjeta za rad. Stolarija je propala i potrebno ju je hitno zamijeniti jer u zimskom periodu ne može se prostor zagrijati s obzirom da ta stolarija propušta svu toplotu. Zatim propao pod, gdje djeca zapinju za raspadnuti linoleum, voda nije za piće, itd.